



UNIVERSITÄTS-  
BIBLIOTHEK  
PADERBORN

# **Tractatus De Censuris Romano Pontifici Reservatis**

**Ugolinus, Bartholomaeus**

**Venetijs, 1609**

Svmma.

---

[urn:nbn:de:hbz:466:1-61365](https://nbn-resolving.org/urn:nbn:de:hbz:466:1-61365)

## BARTHOLOMAEI V GOLINI

EX MONTE SCVTVLO

Diocesis Ariminen.

IVRISCONS. AC BARBIANI

Archipresbyteri De censuris, atque casibus

Romano Pontifici reseruatis.

## P A R S P R I M A.

S V M M A.

1 *Propositum auctoris in hoc opere quodnam sit.*

**G**eneratim de censuris eccl. id est de excommunicatione tam maiori, quam minori, necnon de suspensione, atque interdicto superioribus annis tractavi, in lucemque tractatum ipsum edidi: nunc mihi agendum proposui de censuris eisdem speciatim, & primum de ijs, quarum absolutio Romano Pontifici reseruata est, deinceps de alijs ob rationes in prooemio allatas, verum, quod censuræ, de quib. primo mihi agendum est, partim per sententiam feruntur, partim per ius, seu iure ipso, & in ijs, que per sententiam, principem locum obtinent, quæ feria V. maioris hebdomadæ per litteras promulgantur (generatiorum enim sunt, & diuturniores) ob eam rem de his prius, & vt nouissime a Clemente V III. per suas litteras latae sunt, agamus. Id quod vt dilucidius fiat, litteras ipsius proponamus, sed in hac prima parte prooemium, in secunda censuras ipsas: in postrema tractationem absolutionis earum. Prooemium igitur hoc est.